



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **R. P. Francisci Arias, Societatis Iesv Theologi, Tractatus Tres spirituales**

**Arias, Francisco**

**Coloniae, 1615**

Cap. 1. Quid sit mortificatio, & quis dicatur homo mortificatus.

[urn:nbn:de:hbz:466:1-48767](https://nbn-resolving.org/urn:nbn:de:hbz:466:1-48767)

## PARS PRIMA.

IN QVA EXPONITVR FINIS  
quem Mortificationis studiosus proponere  
habere debet, & rationes ac utilitates,  
quas hoc studium cuique com-  
mendatum esse de-  
beat.

## CAPVT I.

Quid sit Mortificatio, & quis dicatur ho-  
mo mortificatus.

**M**ortificare rem aliquam, est  
diminere ei suam vitam: vnde  
intellexerimus quid in homi-  
ne sit vita, non latebit quid sit mortifi-  
catio. Habet homo duplicem vitam. V-  
nam naturalem, quatenus homo est, &  
animam, quæ est principium vitæ, hæ-  
bet corpori coniunctam: nam vt Ari-  
stoteles loquitur, *in viventibus idem est*  
*esse quod viuere*. Alteram verò moralem,  
quæ consistit in actionibus liberis ho-  
minis, siue interis siue externis: quo  
sensu dicimus, eius, qui ex actione ali-  
qua magnam capit voluptatem, verè  
causa, ex venatione, vitam esse venari.  
Sicut ergo tollere homini vitam & esse  
naturale, est eum occidere, sic tollere ei  
vitam moralem, easq; actiones, ex qui-  
bus

*Arist. l. 2. de  
anima.  
S. Tho. 2. 2. q.  
17. a. 1. & 2.*

bus magnam capit voluptatem, est illū  
 mortificare ac proinde quando homo  
 sponte sibi hanc voluptatem subtrahit,  
 dicimus eum se mortificare: & simili-  
 ter cum abstinet ab actionibus liberis  
 natura & genere vitiosis, legique diui-  
 næ contrarijs, dicitur mortificare hæc  
 vel illa vitia, vel mori vitijs & delictis.  
 Vnde S. Paulus: *Mortificate*, inquit, *mem-*  
*bra vestra, quæ sunt super terram*, hoc est,  
 quæ pertinent ad vitam terrenam, *for-* Col. 3.  
*micationem, imraunditiam, libidinem, concu-*  
*pisceritiam malam, & auaritiam.* Quemad-  
 modum enim omnia membra natura-  
 lia animæ coniuncta, faciunt corpus  
 naturale, ita omnia peccata, secundum  
 Apostolum, faciunt vnum corpus pec-  
 cati, sic vt quodlibet peccatum sit v-  
 num quasi membrum. Vult ergo vt sin-  
 gula gladio pœnitentiæ abscindamus,  
 donec totum corpus peccati destruat  
 & moriatur, sicut loquitur ad Roma-  
 nos. *Hoc scientes*, inquit, *quia vetus ho-*  
*mo noster simul crucifixus est, vt destruat*  
*corpus peccati, & ultra non seruiamus pecca-*  
*to.* Quorum verborum sensus est: Chri-  
 stum morte sua peccatum occidisse &  
 sustulisse, vt per pœnitentiam eam no-  
 bis proficua & salutarem reddentes  
 ab omni quoque peccato liberemur.

Qua

Qua significatione mortificationis modum fusa & larga si vtamur, cuius virtuti, qua aliquod vitium depellit attribuere poterimus nomenclaturam mortificationis.

Cæterum sunt aliæ actiones hominis liberæ inclinationi naturali consentaneæ. nec tamen vitiosæ, vt comedere, bibere, dormire: dolores, contumptum, vituperia in rebus, quæ sub preceptum non cadunt, fugere, recreantibus item honestis & moderatis & commoda quædam ac solatia corporis, quæ superuacanea verè non sunt amplecti: à quibus homo si spontè voluntariè se absteineat, hoc est, si aliquid de licito cibo, potu, somno, recreatione, alijsque corporis commodis detrahat, tum propriè secundum sacra Scripturæ, & sanctorum Patrum doctrinam se dicitur mortificare. Quomodo se mortificauit B. Apostolus, cum scripsit: *Castigo corpus meum, & in seruum meum redigo*, castigabat enim abstinentiæ à cibo, & inflictione verberum, alijsque modis. De eadem mortificatione loquitur ad Galatas: *Qui sunt Christi carnem suam crucifixerunt cum vitijs & concupiscentijs*, id est, qui sunt membra viuæ Christi, sese affligunt, multa

1. Cor. 9.

Gal 5.

eita solatia & commoda carni adimen-  
 do, imò eam laboribus & pœnis subi-  
 gendo, vnde fit vt & vicia omnesque e-  
 ius cupiditates refrenent. Ad Corin- 2. Cor. 4.  
 thios quoque, *Semper, inquit, mortifica-*  
*tionem IESV in corpore nostro circumferi-*  
*mus,* hoc est, ad imitandum Christum  
 semper affligimus corpora nostra ieiu-  
 nijs, laboribus, & pœnis voluntarijs,  
 sponteque ad illas nos offerimus, *vt*  
*vita Iesu, inquit Apostolus, manifestetur*  
*in corporibus nostris.* Christus enim, post-  
 quam multas passus esset, in corpore  
 glorioso resurrexit,

Meritò autem mortificationis &  
 mortis moralis nomen obtinuit actio,  
 qua cupiditates carnis refrenamus, &  
 propriam voluntatem alienæ subijci-  
 mus; nam sicut homo mortuus non  
 mouetur, nisi motus ab alio: sic seruus  
 Dei mortificatus non sua, sed aliena  
 maiorum suorum & Dei voluntate  
 mouetur. Et sicut corpus mortuum, si-  
 ue contumelijs, siue laudibus afficiatur,  
 nullum indicium doloris vel gaudijs  
 præbet: sic homo Dei verè mortificatus,  
 quamuis multis iniurijs & plagis im-  
 peratur, summa mansuetudine & patiē-  
 tia omnia tolerat, nō secus quàm si om-  
 ni sensu destitutus esset, imò aliquan-  
 do

do ex illis magnam animo capit voluptatem

Hoc Mortificationis sanctæ exercitium, quoniam ad ducendam vitam Christiano homine dignam apprimere rat necessarium, idcirco efficaciter in diuinis litteris nobis, licet sub diuersis vocabulis, est commendatum. Id enim primò nobis commendat voce Ieiunij, etsi enim ieiunium quandoque vsurpetur pro sola abstinentia à cibis, quæ non est mortificationis portio, tamen illas comprehendit omnem carnis castigationem, quæ fit abstinentia à cibis vel potu, cilicijs, disciplinis, tolerantia æstus & frigoris, duritia lecti, alijsque corporis asperitatibus. Quo sensu in persona Dei Ioel: *Conuertimini, inquit, ad me in toto corde vestro, in ieiunio, & in fletu & in planctu.* Nomine enim ieiunij intellexit omnes externas pœnitentias, quas fideles facere solent ad satisfaciendum pro suis peccatis. Et eodem sensu Esdras ait, se prædicatione sua populo persuasisse, vt per ieiunium se affligerent coram Domino, quo tandem è Babylone liberati ad sua redire possent. Quo tempore non solum inedia, sed etiam cilicijs, humicubatione, sacceo vestitu, & cinerum aspersione se affligebant. Ita

*Ioel. 2.*

*1. Esd. c. 8.*

ex-

exponit alicubi S. Augustinus, cum ait: *August. l. de  
ieiunio vniuersam corporis castigationem si- per f. instit.  
gnificari, sicut eleemosynis omnis beneuolen- resp. 17.  
tia, & beneficentia, & oratione omnes regule  
sancti desiderij insinuantur. Quam doctri-  
nam secuti Theologi, omnia bona ope-  
ra ad tria genera, ieiunium, orationem,  
& eleemosynam, quibus Deo de pecca-  
tis satisfacemus, reuocârunt.*

Hoc mortificationis exercitium quod  
proprium est sanctorum, qui vehemen-  
ter abhorrent à peccatis, & aliud non  
laborant, quàm vt diuinæ voluntati in  
omnibus obsequantur. Vnde S. Grego- *Greg l. 4.  
rius agens de sancto quodam sacerdo- dial c. 11.  
te, qui ad tuendam castitatem omnibus  
fœminis etiam pijs & religiosis aditum  
ad ædes suas negabat; Habent quippe, in-  
quit, sancti viri hoc proprium, vt, quò semper  
ab illicitis longè sint, à se plerumque etiam li-  
cita abscondant. Declarat idem B. Augusti- *Aug. l. de fide  
nus egregiè his verbis. Peccata leuia, in- ad Petrum,  
quiens, quantò in rebus licitis, & à Deo con- c. 3 14. 42.  
cessis frequenter hominibus surrepunt, & quã-  
tò magis fortioribus cibis corpus impletur, &  
carnalibus cor hominis actibus affectibusque  
implicatur, tantò frequentior culpa in hac  
moralitate contrahitur. Propterea humiles  
serui Christi qui cupiunt Domino suo sine im-  
pedimento absque animi noxia cogitatione  
ser-**

seruire, coniugia omnino non appetunt, & carnibus & vino abstinent, in quantum corporis valetudo permittit, non quia peccatum est aut coniugem habere, aut vinum carnes percipere, sed quia mundioris vite instituta sectantur, & corpora castigare volunt.

Et quanquam omnium seruorum Dei proprium sit hoc mortificationis genus, quo licita abscinduntur, neque plus facilius sit ad illicita, tamen in illis maxime conuenit qui oratione mentali vacant, & magno studio Christianae perfectionis culmen contendunt, quemadmodum diuinus ille

Rich. in lib.  
de Contem-  
plat.

dum ait: *Voluntatem nostram nunquam perfecto desiderio bonorum caelestium inflammari posse, nec intellectum nostrum rerum diuinarum contemplatione plenè posse illustrari & purgari, nisi diligentes simus in reprimendis cupidis & cupiditatibus corporis etiam licitis & necessarijs.*

de. li. i. Tus-  
cul. q.

Nec latuit haec virtus sapientissimos quoque gentilium, Socratem, Platonem, aliosque, quos secutus M. Tullius Cicero ita loquitur: *Tota Philosophorum vita, ut ait idem Plato, commentatio mortis est: nam quid aliud agimus, cum à voluptate, id est, à corpore, cum à re familiari, quae est familia & ministra corporis, cum à Republica,*

MORTIFICATIONE. 179

cum à negotio seu occupamus animum, quid inquam, tam agimus, nisi animum ad seipsum aduocamus? secum esse cogimus? Secernere autem animum à corpore, nequicquam aliud est, quam emori discere. Quare hoc commentemur, addit, mihi crede, disiungamusque nos à corporibus. id est, consuescamus mori. Hoc dum erimus in terris, erit illi cœlesti vitæ simile. Et cum illuc ex his vinculis emissi feremur, minus tardabitur cursus animorum. Hucusque Tullius. Vnde liquet, quàm rationi naturali conforme sit mortificationis exercitium, quantaque sit Euangelicæ veritatis maiestas, cum maximum, ad quod Philosophi ingenij sagacitate peruenerunt sit instar minimæ vmbre, si comparetur cum copiosissima luce, qua nos per Christum in hac materia illustrati sumus. Quare & ampliores gratias Deo opt. Max. debemus pro tanto beneficio, quòd mysterium hoc per fidei doctrinam tam perspicuè, tamque infallibili certitudine didicerimus.

CA.